



Broj: 04/5-02-1388/22

Sarajevo, 1.7.2022.

ZAPISNIK

Sa 5. sjednice Vijeća nacionalnih manjina Federacije Bosne i Hercegovine, održane 1.7.2022.godine

Peta sjednica Vijeća nacionalnih manjina Federacije Bosne i Hercegovine održana je 1.7.2022.godine, sa početkom u 12,00 sati.

Prisutni na sjednici su bili sljedeći članovi:

Sjednici nisu prisustvovali:

Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

Za 5. sjednicu Vijeća nacionalnih manjina Federacije Bosne i Hercegovine predložen je sljedeći:

DNEVNI RED

- 1. Usvajanje Zapisnika sa 4. sjednice Vijeća nacionalnih manjina FBiH;**
- 2. Prijedlog komentara Vijeća nacionalnih manjina Federacije BiH na Nacrt Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, broj:56/08)- ovlaštenog predlagača Komisije za ljudska prava i slobode Predstavničkog doma Parlamenta Federacije BiH;**
- 3. Tekuća pitanja.**

Prije svega Predsjedavajuća Hidajet Redžić je dala riječ gošći, Maji Gasal-Vražalici, koja se predstavila. Maja Gasal Vražalica je sjednici prisustvovala u svojstvu konsultantice koja je angažovana od strane Vijeća Evrope u Bosni i Hercegovini po pitanju ljudskih prava i nacionalnih manjina, odnosno rada istih, unaprijeđenja rada i ostvarivanja bolje saradnje sa nadležnim. Maja Gasal je obavijestila Vijeće da je planiran sastanak u septembru sa Vijećem Evrope koji bi se održao u Brčkom. Sastanak bi se održao u formi jednodnevne radionice. Džemina Zejnullahu se zahvalila gošći na prilici za pomoć koja se pruža Vijeću nacionalnih manjina.

Hidajeta Redžić, predsjedavajuća Vijeća nacionalnih manjina Federacije Bosne i Hercegovine je stavila na glasanje predloženi Dnevni red, koji je jednoglasno usvojen.

1. Usvajanje zapisnika sa prethodne sjednice Vijeća nacionalnih manjina FBiH;

Predsjedavajuća Vijeća je pozvala prisutne članove na glasanje o usvajanju zapisnika sa prethodne sjednice Vijeća Nacionalnih manjina, napomenuvši da ukoliko ima neko primjedbe ili sugestije da

iznese iste. Zapisnik je usvojen većinom glasova, sa devet ZA, jednim SUZDRŽANIM i jednim PROTIV glasom. Dervo Sejdić, član Vijeća je za zapisnik izjavio da ne usvaja zapisnik sa prethodne sjednice jer, kako smatra, ne izražava u potpunosti njegove navode i stavove.

2. Prijedlog komentara Vijeća nacionalnih manjina Federacije BiH na Nacrt Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, broj:56/08)- ovlaštenog predlagača Komisije za ljudska prava i slobode Predstavničkog doma Parlamenta Federacije BiH;

Predsjedavajuća Vijeća Nacionalnih manjina koja dolazi ispred crnogorske nacionalne manjine obavijestila je Vijeće kako je udruženje koje predstavlja je uradilo komentar Nacrta Zakona o zaštiti prava pripadnika nacionalnih manjina u Federaciji Bosne i Hercegovine te isti je poslala članovima Vijeća. Predsjedavajuća smatra da je komentar rađen u potpunosti u interesu Vijeća te je stava da bi usvajanje Zakona uz pomenute komentare unaprijedilo status nacionalnih manjina u velikoj mjeri. Za riječ se javila Džemina Zejnullahu koja je istakla da je Vijeće ovlašteno savjetodavno tijelo i da isto nema uticaj na dalje postupanje u parlamentarnoj proceduri. Džemina Zejnullahu smatra da je potrebno angažovati eksperta. za pravna pitanja kao vanjski saradnik, koji bi zajedno sa Vijećem definisao ono što je potrebno Vijeću. Istaknuto je da je svaki član Vijeća zajedno sa svojim udruženjem imao deset dana da se izjasni o Nacrtu Zakona i da dostavi svoj komentar. Niko osim crnogorskog udruženja nije dostavio isti. Također je istaknuto da je komentar koji je na današnjem dnevnom redu poslat Komisiji za ljudska prava Predstavničkog doma Parlamenta FBiH kao neslužbeni komentar koji još nije usvojen na sjednici Vijeća, kako bi ispoštovali dati rok od deset dana za dostavu očitovanja Vijeća. Predsjedavajuća je istakla da joj se Dervo Sejdić obratio e-mailom povodom komentara koje je crnogorska nacionalna manjina dostavila Vijeću, te je Dervu Sejdiću dala riječ. Dervo Sejdić je istakao da je na prošloj sjednici bilo dogovoreno da se Komisiji za ljudska prava odgovori u kontekstu odgovora koje je Vijeću dostavilo Ministarstvo pravde. Dervo Sejdić je izrazio negodovanje povodom komentara koji su upućeni od strane crnogorskog udruženja, ističući da to ne odražava stav Vijeća. U ponuđenom dokumentu koje je Komisija za ljudska prava uputila Vijeću navedeno je da svaku nacionalnu manjinu zastupljenu u Vijeću nacionalnih manjina predstavlja po jedan predstavnik/član što je po mišljenju Derve Sejdića neprihvatljivo, obzirom da se kroz ustavne i zakonodavne dokumente definišu procenti učešća naroda u vlasti u Federaciji, te da je neprihvatljivo da romska nacionalna manjina ima samo jednog predstavnika. Dervo Sejdić je istakao da stoji pri stavu da Vijeće nacionalnih manjina treba da reaguje na ovaj dokument u smislu da je Vijeće zahvalno na uloženom trudu ali da smatra da ovaj dokument Vijeće vodi u pogrešan smjer, smatra da Vijeće treba da daje svoje preporuke za Izmjenu i dopunu postojećeg važećeg Zakona na nikako da raspravlja o Nacrtu Zakona. Predsjedavajuća je istakla da je predmetni komentar izrađen od strane stručnih ljudi, te da to ne znači da je ovaj komentar konačan i da je moguće dopuniti isti. Također je istakla da je pri analizi Nacrta utvrđeno da se mijenja 11 članova postojećeg Zakona a 13 ostaje isto, što je manje od 50%, te da će se ovaj Zakon morati donijeti kao Izmjene i dopune a ne kao Nacrt Zakona. Sljedeći se obratio Velibor Kuvač, član Vijeća, koji je istakao da su u ovoj situaciji urađeni konkretni koraci koji su samo mali dio jednog velikog procesa. Vijeće se moralo oglasiti i očitovati o onome što je od Vijeća traženo, te smatra da Vijeće mora biti uključeno u proces izrade Izmjena i dopuna Zakona. Velibor Kuvač smatra da Vijeće treba da se očituje u smislu da je zastupnica, koja je imala pravo da pokrene ovu aktivnost, uputila Vijeću te da je Vijeće dalo komentar na situaciju u koju je bez svoje volje dovedeno. Nastavlja kako Vijeće nije željelo na ovaj način postupati po pitanju ovog Zakona, već je željelo da sami pripremi izmjene i dopune Zakona uz pomoć eksperta i da kao tako preda na Komisiju koja će prosljediti isti u parlamentarnu proceduru. Velibor Kuvač je predložio da Vijeće usvoji komentar crnogorskog udruženja uz napomenu da udruženja drugih nacionalnih manjina dostave prijedloge, sugestije i dopune na Komentar, te kao takav potpun materijal pošalje se Komisiji za ljudska prava Predstavničkog doma, uz napomenu da su dopune inicirane od strane Derve Sejdića kao predstavnika romske nacionalne manjine u Vijeću.



Sljedeća se obratila Elma Softić- Kaunitz koja je istakla kako prvi put prisustvuje Vijeću kao član jer nije ranije bila obaviještena iz razloga jer nije dostavila Vijeću kontakt podatke, te se iz tog razoga ne može očitovati glasom ZA ili PROTIV za tačke dnevnog reda zbog nepripremljenosti usljed nedostatka materijala za sjednicu. Dervo Sejdić je istakao da će u kratkom vremenskom roku dostaviti dopunu romskog udruženja na Komentar. Vijeće je prihvatilo taj prijedlog.

Kao gošća, Vijeću se obratila Maja Gasal-Vražalica na temu ove tačke dnevnog reda, te istakla da je neprihvatljiv rok (10 dana) koji je Komisija za ljudska prava Predstavničkog doma dala Vijeću za očitovanje na Nacrt Zakona i da je potrebno više vremena za razmatranje Zakona koji je krucijalan za status nacionalnih manjina u Federaciji BiH.

Vijeće nacionalnih manjina po ovoj tački je donijelo većinom glasova, sa deset ZA i jednim SUZDRŽANIM glasom sljedeći

ZAKLJUČAK

Vijeće nacionalnih manjina usvaja komentar crnogorskog udruženja na Nacrt Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, broj:56/08)- ovlaštenog predlagača Komisije za ljudska prava i slobode Predstavničkog doma Parlamenta Federacije BiH, uz poziv udruženjima drugih nacionalnih manjina zastupljenih u Vijeću da dostave dvoje prijedloge kao dopune Komentara. Komentar sa svim dopunama i prijedlozima će se kao potpuni materijal dostaviti Komisiji za ljudska prava Predstavničkog doma Parlamenta FBiH, uz naznaku podnosioca dopune komentara.

3. Tekuća pitanja.

Po ovoj tački dnevnog reda nije bilo rasprave.

Sjednica je završena u 13,40 sati.

PREDSJEDAVAJUĆA VIJEĆA

Hidajeta Redžić s.r.